

Møtedeltakarane

Dykkar ref.

Dato
21.02.2017

Referat frå BLLS-møte 14.02.17

Møtenummer: 1/17	Møtedato: 14.02.17
Deltakarar: Variate ut frå tema i møte	Ref. sendt til: Balestrand kommune Leikanger kommune Luster kommune Sogndal kommune

Sogn kulturskule

Til stades: Roar Sandnes, Odd Arve Rakstad, Gunnar Steine, Jon Håkon Odd, Jarle Aarvoll, Ivar Kvalen, Jarle Skartun, Erling Bjørnetun, Jostein Aanestad og Ole Gunnar Krakhellen
Leikanger kommune v/ Roar Sandnes, rektor Sogn kulturskule, leia møte.

Roar Sandnes gjekk gjennom status for Sogn kulturskule og oppfølging av handlingsplan for Sogn kulturskule:

Rekneskapen for 2016 syner eit mindreforbruk, mellom anna med ved bruk av fond. Alle dei tre budsjettområda administrasjon, undervisning og distriktsmusikarar går med mindreforbruk, men det er ei viss skeivfordeling av aktivitet mellom kulturskuleaktivitetar i Luster og Leikanger. Det er 107 på venteliste, der om lag 60% ikkje har noko tilbod medan om lag 40% har søkt på fleire tilbod, og har kome inn på eitt og står på venteliste på eit anna. Det er størst venteliste på gitar og piano.

Presentasjonen frå møte vert sendt ut av Sogn kulturskule til møtedeltakarane.

Det var semje om følgjande oppfølgingspunkt frå møte:

- Samarbeid mellom skule og barnehage er viktig. Rektor gjev ei tilbakemelding i form av eit notat for å sjå på kva som er moglegheitene for tettare samarbeid mellom barnehage og skule til juni-møtet. Det vert sett ned ei arbeidsgruppe beståande av oppvekstsjsjfane i kommunane. Arbeidsgruppa må vurdere å hente inn erfaringar frå Lærdal kommune og korleis dei har organisert sitt samarbeid. Rektor/vertskommune kallar inn oppvekstleiarane/arbeidsgruppa til møte/drøfting om samarbeid kulturskule og grunnskule.
- Det bør gjevast eit nybyrjartilbod i Skjolden/Luster og ei formalisering av samarbeid med rockeverkstaden i Jostedalen frå hausten 2017. Det vert gjeve ei tilbakemelding til LLS-møte i juni 2017.
- Kommunane er positive til at Sogn kulturskule melder si interesse for å vere vertsskap for ein ny distriktsmusikarstilling frå hausten 2018 innan fristen 15.mars, men ber om ei nærmare utgreiing av dei økonomiske konsekvensane i juni-møte, for vurdering i økonomiplansamanheng i den einskilde kommune.
- Bør Danseverkstadane og anna kulturaktivitet som kommunane yter samlast under Sogn kulturskule sin paraply? Saka vert drøfta på neste møte.

- Dei einskilde kommunane må nemne opp politiske representantar til brukarråd, og melde frå til Sogn kulturskule innan 1.mars. Det vert eit felles brukarråd, og kvar ein skild kommune vurderer behovet for å ha ei lokal brukargruppe som supplement.
- Brukarrådet vert nytt til å gje innspel til ein gjennomgang av opptaksreglane. Viss opptaksreglane vert revidert vil nytt opptaksreglement frå skuleåret 2018/2019 kome som sak til kommunestyra.
- Det vert invitert til månadsmøte mellom rektor og adm. kontaktperson i deltagarkommunane i første halvår 2017.
- Oppfølging av handlingsplanen har førsteprioritet i 2017, og utviklingsarbeidet i Sogn kulturskule er eit felles ansvar for deltagarkommunane. Det er viktig at kommunane må gi raske og konkrete tilbakemeldingar dersom noko må verte betre.

Sogn barnevern

Til stades: Trude Risnes (varaordførar Leikanger), Odd Arve Rakstad (rådmann Leikanger), Gunnar Steine (kommunalsjef Leikanger), Jon Håkon Odd (ordførar Leikanger), Jarle Aarvoll (ordførar Sogndal), Harald Offerdal (ordførar Balestrand), Ivar Kvalen (ordførar Luster), Jarle Skartun (rådmann Luster), John Olaf Røhme (kommunalsjef Luster), Margrete Vie Myren (kommunalsjef Balestrand), Kjellaug Ekse Brekkhus (rådmann Balestrand), Elin Pettersen Tysse (fagleiar Sogn barnevern), Ingunn Breili (teamkoordinator Sogn barnevern), Kristin Kastet (teamkoordinator Sogn barnevern), Hadle Blikra (tenesteleiar Sogn barnevern), Ole Gunnar Krakhellen (kommunalsjef Sogndal) og Jostein Aanestad (rådmann Sogndal).

Sogndal kommune som vertskommune leia møtet v/Jostein Aanestad, rådmann i Sogndal.

1. Organisering av Sogn barnevern, ved Hadle, Elin, Kristin og Ingunn.

Tenesteleiar for Sogn barnevern, Hadle Blikra, presenterte det nye leiingsteamet i Sogn barnevern og den interne organiseringa. Sogn barnevern er no organisert med to team med kvar sin teamkoordinator, ein fagleiar og barnevernsleiar. Desse fire utgjere leiingsteamet i Sogn barnevern.

Tilbakemelding frå kommunane er at dei ynskjer skriftleg tilbakemelding om kontaktperson i barnevernet for den einskilde kommunen.

2. Førerels tilsynsrapport frå fylkesmannen, ev. endeleg tilsynsrapport om den ligg føre, og førebels forbettingsplan (sendt ut tidlegare til alle kommunane). Orientering ved Ole Gunnar og Hadle Blikra. Drøfting av arbeid med endeleg forbettingsplan.

Kommunane kom med innspel til førebels forbettingsplan, men vil sende dette skriftleg innan veke 8. Sogndal kommune vil gje ei strukturerte tilbakemeldingar til alle kommunane om oppfølging av forbettingsplanen. Rådmennene drøfta dette etter møtet og kom til at tilbakemeldinga på forbettingsplanen vert gjort samstundes som rapportering på myndeoppfølging, dvs. i samband med BLLS-møta.

På spørsmål om det er tiltak iverksett for å ha fokus på arbeidsmiljøsituasjonen i Sogn barnvern, orienterte rådmann i Sogndal om at medarbeidarundersøking vert gjennomført i mars 2017 for alle tilsette i Sogndal kommune.

I møte vart omdøme diskutert, og det var semje om at det må jobbast godt med å byggje oppatt omdøme og tilliten til Sogn barnevern. Dette er eit arbeid som må jobbast med frå alle partane i samarbeidet, og god dialog mellom partane er ein viktig føresetnad for å lukkast. Fleire peika på viktigheita av å sjå framover.

3. Orientering om samarbeidsmøte i april/mai. Ved Ole Gunnar. Innspel til program/deltaking frå kommunane.

Det var semje om at ein fagdag for leiarar blant alle samarbeidspartnarane til Sogn barnvern, samt dei tilsette i barnevernet, vil vere eit godt tiltak, og det bør vurderast som eit årleg tiltak. Viss kommunane har innspel til program kan dei sende det til kommunalsjef oppvekst i Sogndal innan 3.mars.

4. Status i høve fristar/myndekrav i tenesta pr. 1.1.2017. Oversyn vert omdelt i møtet og gått gjennom.

Det vart gått gjennom tala av fagleiar Sogn barnevern. BLLS-rådmennene vil framleis få desse oversiktene kvart halvår. Kvar einskild kommune vurderer korleis ein får til ei tenleg tilbakerapportering til politisk nivå.

5. Varsla utmelding frå Balestrand kommune. Ved Balestrand kommune. Drøfting av vidare oppfølging av varselet.

Ordførar i Balestrand kommune gjekk gjennom vedtak frå Balestrand kommunestyre. Ordførar såg på dagens møte som det eigarmøte som vedtaket sa skulle gjennomførast. Ordførar og rådmann skal følgje dette tett. Førebels er varsel om utmelding ein formalitet sidan avtalen krev varsel om utmelding eitt år før ev. utmelding. Balestrand kommune vil ta ei endeleg avgjersle om utmelding i rimeleg tid. Ordføraren problematiserte notatet frå KS Advokatane, m.a. spørsmålet om samarbeidskommunane sitt ansvar overfor dei tilsette. Ordførar i Leikanger meiner at det er avtalen mellom kommunane som gjeld, og at drøftingsplikt for deltakarkommunane ikkje kan vere gjeldande etter hovudavtalen.

Rådmannen i Sogndal stadfestar at Sogndal kommune har og tek det fulle ansvaret for dei tilsette i Sogn barnevern, og forventar ikkje at dei andre kommunane skal gjere noko. Ansvar for prosentdel av dei tilsette ved utmelding er regulert i avtalen.

6. Ymse.

Ordførar i Sogndal orienterte om ekstern gjennomgang av tidlegare arbeidsmiljøproblem i barnevernet, og lova at dei andre kommunane skulle bli godt orientert undervegs. Kontrollutvalet i Sogndal vil ha styringa på denne gjennomgangen. Truleg vil denne gjennomgangen vere klar til kommunestyret i juni.

Frisklivsentralen

Leikanger kommune har varslet utmelding frå Sogn frisklivssentral. Med bakgrunn i årsmeldinga frå 2016 vil Leikanger kommune gjere ei endeleg vurdering og melde tilbake innan 1. juni 2017.

Presentasjon forbettingsarbeid Sogn barnevern

Kopi til: